



AN COIMISIÚN
EORPACH

An Bhruiséil, 27.3.2013
SWD(2013) 99 final

Part 1

DOICIMÉAD INMHEÁNACH OIBRE DE CHUID AN CHOIMISIÚIN

**ACHOIMRE FHEIDHMIÚCHÁIN AR AN MHEASÚNÚ TIONCHAIR maidir le creat
dlí na hOifige Eorpaí Póilíní a oiriúnú do Chonradh Liospóin**

a ghabhann leis an doiciméad

**Togra le haghaidh RIALACHÁIN Ó PHARLAIMINT NA hEORPA agus ÓN
gCOMHAIRLE**

**MAIDIR LE GNÍOMHAIREACHT AN AONTAIS EORPAIGH UM CHOMHAR
AGUS OILIÚINT NA SEIRBHÍSÍ FORFHEIDHMITHE DLÍ (EUROPOL) AGUS
LENA nAISGHAIRTEAR CINNEADH 2009/371/CGB AGUS CINNEADH
2005/681/CGB**

{COM(2013) 173 final}
{SWD(2013) 98 final}
{SWD(2013) 100 final}

DOICIMÉAD INMHEÁNACH OIBRE DE CHUID AN CHOIMISIÚIN

ACHOIMRE FHEIDHMIÚCHÁIN AR AN MHEASÚNÚ TIONCHAIR maidir le creat dlí na hOifige Eorpaí Póilíní a oiriúnú do Chonradh Liospóin

a ghabhann leis an doiciméad

Togra le haghaidh RIALACHÁIN Ó PHARLAIMINT NA hEORPA agus ÓN gCOMHAIRLE

MAIDIR LE GNÍOMHAIREACHT AN AONTAIS EORPAIGH UM CHOMHAR AGUS OILIÚINT NA SEIRBHÍSÍ FORFHEIDHMITHE DLÍ (EUROPOL) AGUS LENA nAISGHAIRTEAR CINNEADH 2009/371/CGB AGUS CINNEADH 2005/681/CGB

Déanann Airteagal 88 den Chonradh ar Fheidhmiú an Aontais Eorpaigh (CFAE) foráil maidir le bunús nua dlí ar fáil do Europol (rialachán) agus le grinnscrúdú ar a ghníomhaíochtaí ag Parlaimint na hEorpa agus ag na parlaimintí náisiúnta leis.

Chomh leis sin, tá sé curtha le fios go láidir ag Clár Stócólm¹ go bhfuil coireacht eagraithe ar bhonn domhanda ag dul i méid, go bhfuil de dhíth sa chomhrac ina coinne, *inter alia*, malartú córasach faisnéise agus mháigh sé ar Europol gníomhú mar “mhol malartaithe faisnéise idir gníomhaireachtaí um fhorfheidhmiú an dlí na mBallstát, mar sholáthraí seirbhíse agus mar chlár oibre do sheirbhísí um fhorfheidhmiú an dlí²”.

Deimhníonn staidéar meastóireachta go gcuireann Europol breisluach le slándáil shaoránaigh na hEorpa agus go bhfuil córas láidir cosanta sonraí aige. Ach d'aithin sé roinnt earnálacha ina bhfuil feabhas de dhíth chun go mbainfidh Europol spriocanna Chlár Stócólm amach.

Cuid de phacáiste níos leithne é an t-athchóiriú seo ina moltar go ndéanfar cumasc idir an gColáiste Eorpach Póilíneachta nó ‘Cepol’ agus Europol agus go gcuirfear chun feidhme na Scéime Oiliúna Eorpaí um Fhorfheidhmiú an Dlí (LETS) d’oifigigh um fhorfheidhmiú an dlí.

Ar deireadh, trí Europol a athchóiriú tá an Coimisiún tiomanta do na caighdeáin rialachais a chur i bhfeidhm ar glac Europol, Parlaimint na hEorpa agus an Chomhairle leo le chéile i mí Iúil 2012 sa Chur Chuige Coiteann maidir le gníomhaireachtaí díláraithe an AE³.

Ag ullmhú an mheasúnaithe tionchair seo dó, chuaigh an Coimisiún i gcomhairle le príomhghrúpaí na páirtithe leasmhara uile.

1

2

3. Clár Stócólm: Eorpa atá oscailte agus slán, agus a thugann seirbhís agus cosaint dá saoránaigh, IO C 115, 4. 5. 2010, lch. 1 – 38.

2. D’iarr Comhairle na hEorpa ar an gCoimisiún freisin “a scrúdú conas eolas ó ghníomhaireachtaí na mBallstát um fheidhmiú an dlí a sheoladh chuig Europol ionas go mbainfidh Ballstáit uasúsáid as cumais Europol”.

3. http://europa.eu/agencies/documents/joint_statement_and_common_approach2012_en.pdf.

4.

1. AN FHADHB A SHAINIÚ

Is mór an bhagairt iad ar shlándáil inmheánach an AE gréasáin mhóra coireachta agus sceimhlitheoireachta. Ní leor do sheirbhísí náisiúnta um fhorfheidhmiú an dlí oibriú ina n-aonar; is gá comhoibriú.

Tá cruthú limistéar comónta gan teorainneacha inmheánacha agus comhtháthú breise an Aontais Eorpaigh ina chuidiú mór i saorghluaiseacht shaoránaigh an AE; ba ghá ann na bearta slándála a neartú chomh maith le dul i ngleic le coireacht trasteorann. Chuige sin, is fíorthábhachtach bunú Europol – an ghníomhaireacht AE dírithe ar chuidiú a thabhairt d’údaráis um fhorfheidhmiú an dlí comhoibriú le chéile.

Tugann Europol cabhair do fhórsaí náisiúnta póilíneachta go háirithe trí **scaipeadh faisnéise ar choirpigh** a éascú. Cuireann sé **anailísí oibríochtúla** ar fáil a chabhraíonn le seirbhísí um fhorfheidhmiú an dlí in imscrúduithe trasnáisiúnta. Tugann sé **cuidiú oibríochtúil** (saineolas) chun tacú le himscrúduithe trasteorainneacha nó comhordaíonn sé iad; tugann sé tacaíocht airgeadais d’imscrúduithe i ndáil le góchumadh an euro. Cuireann sé ar fáil, freisin, **anailís straitéiseach trí mheasúnú a dhéanamh ar bhagairtí**. Níl **inniúlachtaí imscrúdaitheacha uathrialacha ná cumhachtaí comhéigneacha** ag Europol. a

1.1. Cur síos ar an bhfadhb

Tá laigí sainaitheanta ag an Choimisiún a chuireann bac ar Europol gníomhú mar mhol malartaithe faisnéise idir oifigigh um fhorfheidhmiú an dlí na mBallstát.

FADHB 1

1.1.1. *Ní thugann na Ballstáit an fhaisnéis ar fad is gá do Europol chun coireacht thromchúiseach trasteorann a chomhrac.*

Tá tionscnaimh curtha ar bun ag an AE - idir tionscnaimh reachtacha agus tionscnamh airgeadais – chun malartú faisnéise a chur i gcoilár a bheartas i réimse na nGnóthaí Baile. Tá Europol ag brath go mór ar na Ballstáit le sonraí agus faisnéis a bhailiú. Ceanglaíonn Cinneadh ón gComhairle ar na Ballstáit **sonraí a sholáthar do Europol** a thagann faoina raon feidhme.

Mar sin féin, ní sholáthraíonn na Ballstáit an fhaisnéis ar fad is do Europol chun coireacht a chomhrac agus an méid sin a dhéanamh in am trátha. Is iomaí mórdhifriocht, freisin, idir na Ballstáit ó thaobh soláthair faisnéise de. Tá sé seo deimhnithe ag staitisticí éagsúla.

Seo thíos na bunchúiseanna:

- **Easpa cruinnis sna forálacha dlí atá ann cheana:** Níl dualgas na mBallstát maidir le sonraí a sholáthar ceaptha go follasach, mar sin is féidir léamh frithráiteasach agus amhras a bheith ann maidir le cineál, leibhéal sonraí agus méid na faisnéise ar cheart do na Ballstáit a chur chuig Europol. Tá Ballstáit ann nach n-aithníonn fiú go bhfuil aon dualgas orthu.
- **Cúiseanna socheolaíocha agus cultúrtha: Feasacht íseal, easpa eolais, cultúr póilíneachta** is cúis le hoifigigh um fhorfheidhmiú an dlí a bheith **faichilleach ó thaobh faisnéis a roinnt**.
- **Cúiseanna eagraíochtúla:** cuireann roinnt tosca eagraíochtúla isteach ar ghníomhú agus éifeachtacht na nAonad Náisiúnta Europol (ANEnna), a cuireadh ar bun i ngach Ballstát mar phointe teagmhála le Europol.

- Cuireann an leisce atá ann faisnéis a thraschur cosc ar Europol naisc a shainaithint le coireacht i dtíortha eile agus cosc ar phictiúr cruinn den fhaisnéis coireachta ar fud an AE a fháil, pictiúr a ligfeadh do Europol beart imscrúdaitheach a dhéanann na Ballstáit a chomhordú. Mar sin, toisc go measann na Ballstáit nach bhfuil aon luach breise le torthaí Europol, is mó a leisce atá orthu faisnéis a sholáthar don ghníomhaireacht.

FADHB 2

1.1.2. *Srianta ar phróiseáil sonraí*

Déanann Europol roinnt bunachair sonraí a bhainistiú chun cuidiú leis na Ballstáit coireacht thromchúiseach trasteorann agus sceimhlitheoireacht a chosc agus a chomhrac. Réamhshainíonn an Cinneadh ón gComhairle maidir le Europol na bunachair shonraí sin go beacht agus tugtar cúiseanna agus rialacha éagsúla dóibh maidir le cé aige a mbeidh rochtain orthu agus forálacha ar leith maidir le cosaint agus slándáil sonraí.

Bunachar tagartha is ea Córas Faisnéise Europol (CFE) a úsáidtear le haghaidh crosmheaitseála. Bunachair iad na Comhaid Oibre le haghaidh Anailíse (COA) le haghaidh anailís oibríochtúil agus chun cuidiú le himscrúduithe beo. Cumascann siad cruashonraí, a úsáidtear i sainaitheint, agus faisnéis. Baineann COA amháin le coireacht thromchúiseach eagraithe amháin (COA CTE), an ceann eile le sceimhlitheoireacht (COA FS).

Is é an Ballstát a sholáthraíonn na sonraí, úinéir na sonraí. Eisean a chinneann cén chúis a dtraschuirtear iad go Europol (ar mhaithe le cúiseanna simplí tagartha san CFE nó le sainanailís i gceann de na COA); is féidir leis, freisin, socrú cé aige a mbeidh rochtain orthu agus cén úsáid a bhainfear astu (“prionsabal úinéireachta”).

Ní cheadaítear ach crosmheaitseáil shimplí thar na bunachair (le haimsiú an bhfuil an sonra céanna i mbunachar eile). Ní cheadaítear d’anailísí Europol pointí faisnéise a nascadh thar bhunachair éagsúla gan údarú uathu uile a sholáthair na sonraí sin do bhunachar nach raibh rochtain aige air. Glacann sé, de ghnáth, seachtainí nó míonna.

Is é nascadh sonraí (ag aimsiú caidreamh idir shonraí) an t-aon rud a ligeann d’anailísí an fhaisnéis a mheas agus a thugann léargas dó ar eagraíochtaí coiriúla nó sceimhlitheoireachta, m.sh. an ról a bheadh ag coirpeach ar leith in ordlathas coiriúil bainteach le coireacht thromchúiseach nó sceimhlitheoireacht (m.sh. smuigleáil drugaí nó arm chun sceimhlitheoireacht a chur chun cinn). Gan nascadh ní dhéanfar aon anailís ar choireacht.

Cuireann seo cosc ar dhea-anailís agus moill ar shainaithint treonna agus patrúin i ngníomhaíochtaí coiriúla. Ní fhéadfadh Europol faisnéis, a fhéadfadh bheith riachtanach in imscrúduithe ag Ballstáit a roinnt faoi choirpigh, sceimhlitheoirí agus a gcuid nasc.

Is féidir, freisin, go mbeidh sé beartaithe ag Ballstát na sonraí atá aige a roinnt san CFE agus a anailísiú sna COA fosta. Mar gheall ar an idirdhealú teicniúil caithfear na sonraí a stóráil faoi dhó, ar a laghad, (nó faoi thrí) agus beidh sé mar dhualgas dúbláilte ar úinéir na sonraí agus ar Europol na sonraí a láimhseáil (uasdátú, scrios) agus féachaint chuige nach dtiocfaidh difríochtaí chun cinn idir ghrúpaí sonraí a bhí comhionann ón tús.

1.2. AN CÁS BUNLÍNE

Dá gcuirfeadh an Pharlaimint Eorpach agus na parlaimintí náisiúnta iniúchadh Europol ar bun chuirfeadh sé le freagracht Europol ach ní dhéanfaí dochar dó mar mhol cumarsáide na n-údarás

um fheidhmiú an dlí. Leanfadh leibhéal an fháis ar aghaidh i soláthar faisnéise ach leanfaí freisin leis na neamhréitigh idir Bhallstáit. Maidir le bainistiú sonraí, má leantar le stóráil sonraí i mbunachair idirdhealaithe go teicniúil leanfar freisin leis an mhoill ar chumas Europol tuairiscí cuimsitheacha anailíseacha a sholáthar do na Ballstáit, go háirithe i soláthar nasc idir ghrúpaí coiriúla eagraithe agus gréasáin sceimhlitheoirí. Ní bheadh sé ar chumas anailísithe Europol faisnéis faoi choireacht eagraithe a nascadh le gréasáin sceimhlitheoirí (toisc í a bheith stóráilte i COA éagsúla agus san CFE leis). Sa chomhthéacs seo leanfar le moilleanna i sainaitheint treonna agus patrúin. Seans go leanfar le stóráil sonraí in dhá nó i trí áit.

2. CÚSPÓIRÍ BEARTAIS

An cuspóir ginearálta um leasú Europol: slándáil an AE a neartú trí Europol a chruthú ina mhol malartú faisnéise ag gníomhaireachtaí na mBallstát um fheidhmiú an dlí ionas go gcuideofar níos fearr leo agus iad ag iarraidh coireacht thromchúiseach thrasteorann agus sceimhlitheoireacht a chosc agus a chomhrac.

Cuspóirí sainaitheanta agus oibríochtúla:

1. soláthar faisnéise do Europol a mhéadú ag Ballstáit

- (a) Méid agus cáilíocht na faisnéise a sholáthraítear do Europol a mhéadú ag Ballstáit
- (b) Na neamhchomhréitigh i soláthar faisnéise a laghdú ag Ballstáit

(2) Cultúr próiseála sonraí a chur ar bun a ligfeadh d'anailísithe Europol cuidiú go hiomlán leis na Ballstáit coireacht thromchúiseach thrasteorann agus sceimhlitheoireacht a chosc agus a chomhrac.

- (c) Naisc a bheith ann idir anailísithe Europol chun na sonraí uile a mheas;
- (d) Moill a laghdú in aithint treonna agus patrúin;
- (e) Iolstóráil sonraí a laghdú.

3. ROGHANNA BEARTAIS

3.1. Rogha 1: An cás bunlíne/"Fíor-Liospóiniú"

Ionas go bhfaighidh sé breis soláthair ó na Ballstáit leanfaidh Europol i gcomhar le CEPOL agus leis an Choimisiún le "bearta boga" – ardú feasachta i bhfoirm taispeántais bóthair agus oiliúint a chur ar fáil chun dea-chleachtas na ANE a chur chun cinn.

Beidh anailísiú ag brath ar bhunachair sonraí atá scartha óna chéile agus is deacair na sonraí a nascadh agus a anailísiú, scaipthe mar atá siad thar bhunachair éagsúla.

3.2. Rogha 2: Tuilleadh leasuithe reachtaíochta a rith trí rialachán Europol

A. Soláthar faisnéise óna Ballstáit

A.1 Oibleagáidí a neartú agus dreasachtaí a chur san áireamh

Soláthróidh an rialachán le haghaidh:

- leanúint le hardú feasachta;
- soiléiriú na forála dlí maidir le oibleagáid sonraí a sholáthar: bheadh dualgas ar Bhallstáit na sonraí uile a thagann faoi shainordú Europol a roinnt, go háirithe sonraí

a malartaíodh cheana le Ballstát eile. Chun tosaíochtaí a aimsiú bhainfí na dualgais le faisnéis faoi choiriúlacht ainmnithe cheana mar thosaíochtaí an AE in Timthriall Beartais an AE um choireacht thromchúiseach eagraithe idirnáisiúnta;

- monatóireacht a dhéanamh ar an aird a thugann na Ballstáit ar an oibleagáid: cuirfidh Europol tuairisc bhliantúil ar fáil don Pharlaimint agus don Chomhairle faoin fhaisnéis a sholáthair gach Ballstát agus faoi mar a chomhlíonadh na ANE;
- dreasachtaí airgeadais do Bhallstáit – mhéadódh an Rialachán an chabhair airgeadais chun cuidiú le Ballstáit in imscrúduithe i gcoireacht seachas góchumadh an Euro.

A.2. Rochtain a thabhairt d'Europol ar bhunachair shonraí um fhorfheidhmiú an dlí na mBallstát

Dá mbeadh rochtain aige ar bhunachair náisiúnta sonraí um fheidhmiú an dlí ar bhonn “amas-neamhamas” bheadh Europol ábalta a bhrath go raibh an fhaisnéis chuí i seilbh Ballstát ar leith. Ansin taréis dó “amas” a aimsiú thioctadh le Europol an fhaisnéis a iarraidh. Bheadh smacht i gcónaí ag na Ballstáit ar na sonraí mar nach mbeadh malartú ann gan údarú uathu.

Bheadh ailtireacht nua TF de dhíth ar an chóras seo: 1) córas seachadta a sheolfadh iarratais ar aghaidh chuig Ballstáit agus a bhaileodh cibé amais a fuarthas, 2) infheistiú ó Bhallstáit chun a mbunachair shonraí a atheagrú, chun sonraí a thagann faoi shainordú Europol a idirscaradh, chun bunachair seachadta a bhunú, agus leis sin uile chun naisc chuí TF a sholáthar.

B. Bainistiú Sonraí

B.1. An dá COA a chumasc

Leis an rogha seo cumasctar an dá COA agus seasann an CFE leis féin.

B.2. Timpeallacht nua phróiseála

Ní bheidh rialú Europol amach anseo “dírithe ar bhunachar sonraí”. Leagfadh sé síos coimircí nós imeachta chun prionsabail um chosaint sonraí a fhorfheidhmiú mar aon le béim ar leith ar “príobháideacht d’aon ghnó”; bheadh trédhearcacht iomlán ar fáil ag Oifigeach Cosanta Sonraí Europol agus ag na húdaráis mhaoirseachta. Faoi cheangal ag “príobháideacht d’aon ghnó” chuirfeadh Europol san áireamh ón tús riachtanais uile bainteach le cosaint sonraí agus é ag ceapadh sonraíochtaí agus ailtireacht le haghaidh córas cumarsáide agus teicneolaíochtaí.

Chun an cuspóir seo a aimsiú tá roinnt réiteach teicniúla ann. Cibé réiteach a leanfar:

- Gabhfaidh coimircí cosanta sonraí le píosa agus le cineál an sonra seachas le bunachar sonraí réamhshainithe;
- Chun go gcinnteofar teorannú cuspóra socróidh an soláthraí sonraí ón tús cuspóir na hoibríochta próiseála a roinntear sonraí le Europol (crosmheatseáil, anailísiú oibríochtúil, anailís ghinearálta);
- Bheadh an fhaisnéis uile le feiceáil ag anailísithe Europol a fhad agus a bheadh sí de dhíth orthu dá gcuid tascanna. Mar sin féin, beidh rannpháirtithe Europol i gcónaí ábalta srianta rochtana agus úsáide a fhorchur ar dhaoine eile.

4. MEASÚNÚ TIONCHAIR

4.1. Rogha 1: An Cás Bunlíne/"Fíor-Liospóiniú"

Slándáil a mhéadú san AE (0): Beidh pictiúr easpach i gcónaí ag Europol ar choiriúlacht an AE. Ní bheadh a ndóthain cabhrach ag na Ballstáit.

Sonraí pearsanta a chosaint (0): tionchar ar bith ar shonraí pearsanta a chosaint, tionchar ar bith dearfach, indíreach ar an cheart chun na beatha.

Costais (0): costais bhreise ar bith i gcomparáid leis an status quo.

Rogha 2: leasuithe breise dlí a dhéanamh ar rialachán Europol

4.1.1. *Tionchair na roghanna de réir rogha beartais A*

4.1.1.1. Oibleagáidí a neartú agus dreasachtaí breise a thabhairt isteach (A1)

Slándáil a mhéadú san AE (+++): tionchar dearfach ar laigí agus méadú i méid agus i gcáilíocht na faisnéise á seoladh isteach ag na Ballstáit.

Bheadh breis faisnéise ar na bagairtí is práinní le fáil ag Europol dá ndíreofaí ar chuspóirí an Timthriall Beartais agus dá roinnfeadh na Ballstáit go forleathan a malartaíonn siad go déthaobhach.

Dá ndéanfaí monatóireacht ar fheidhmíocht na ANE agus ar fhaisnéis soláthraithe ag gach Ballstát chruthófaí piarbhrú. Chuirfeadh seo dea-chleachtas chun cinn, lena n-áirítear eagrú éifeachtach na ANE, ardú feasachta agus neartú an chomhair idir na ANE agus forfheidhmiú dlí náisiúnta.

Dá bhfaigheadh imscrúduithe trasteorann tacaíocht airgeadais spreagfaí na Ballstáit i bpáirt níos mó a thabhairt do Europol.

Taispeántar seo sa rath i gcúrsaí góchumtha.

Cosaint sonraí pearsanta (0): tionchar ar bith i gcomparáid leis an bhunlíne.

Costais (--):

Ar bhuiséad an AE:

- Costais 6 oibrí foirne chun na sonraí breise a sholáthrófar a láimhseáil
- Tacaíocht airgeadais d'imscrúduithe na mBallstát seachas góchumadh ar cóimhéid le €800.000 gach bliain (fritháiríthe trí ghearradh siar ar ghníomhartha Bord Bainistíochta Europol).

Le haghaidh buiséid náisiúnta:

- Costais ábhartha ar bith.
- Costais le híoc ag na Ballstáit as oiliúint aonuaire d'oifigigh um fhorfheidhmiú an dlí a bheadh ag déileáil le coireacht thromchúiseach trasteorann: EUR 600 000 nó EUR 3m nó EUR 6m
- Féadfar na ANE a atheagrú ar bhonn cás ar chás.
- Buntáistí: Méadú in éifeachtacht sa troid in éadán coireacht thromchúiseach trasteorann – euro ina milliúin idir 2015-2020

4.1.1.2. Fáil a thabhairt do Europol ar bhunachair shonraí na mBallstát um fhorfheidhmiú an dlí (A2)

An slándáil a mhéadú san AE (+++): cuideoidh seo leis an easpa faisnéise, le neamhéifeachtacht na ANE agus le ísle na feasachta a bhaineann leis na Ballstáit a fheabhas. Beidh smacht i gcónaí ag na Ballstáit ar na sonraí mar go mbeadh aon mhalartú ina leith le húdaráí acu.

Shroichfeadh níos mó faisnéise agus faisnéis níos oiriúnaí Europol a ligfeadh dó tairgí níos fearr a sholáthar do na Ballstáit.

Cosaint shonraí pearsanta (0): A dhath ar bith. Bheadh rochtain ar bhonn ‘amas-neamhamas’. Bheadh iarraidh de dhíth ó Europol ar an Bhallstát chun teacht ar a bhfuil san fhaisnéis. Sula mbeadh aon traschur ann bheadh gach coimirce a bhaineann le cosaint sonraí cinntithe ag an Bhallstát.

Costais (---):

Le haghaidh buiséad an AE:

- (1) EUR 1,78 m mar infheistíocht aonuaire agus
- (2) EUR 1,46 m mar infheistíochtaí bliantúla athfhillteacha:

Costais le haghaidh buiséid náisiúnta:

- EUR 660 000 mar infheistíochtaí aonuaire chun córais TF s’acu a athchóiriú agus a cheangal don chóras seachadta;
- Euro 1,2m mar infheistíochta bliantúla athfhillteacha;
- Féadfaidh costais 1-2 oibrí breise a chur san áireamh ar bhonn cás ar chás.

4.1.2. *Tionchair ag roghanna de réir rogha beartais B*

4.1.2.1. Cumasc an dá COA go ceann amháin (B1)

An slándáil a mhéadú san AE (++): D’fhéadfadh próiseas níos gaiste a bheith ann in aithint treonna, patrúin agus naisc idir grúpaí coiriúla a raibh baint acu freisin le sceimhlitheoireacht.

Mar gur leathnaíodh scóip na COA le coireacht thromchúiseach eagraithe a imscrúdú mar aon le sceimhlitheoireacht bheadh sé ar chumas anailísithe Europol na naisc uile a fheiceáil san fhaisnéis soláthraithe sna COA cumasctha. Ní fhéadfar fós na sonraí sa chóras CFE a cheangal leo siúd san COA. Leanfar le iolstóráil sonraí.

Cosaint shonraí pearsanta (0): Ní bheidh aon tionchar ann ar chosaint shonraí pearsanta i gcomparáid leis an bhunlíne mar níl sa rogha seo ach síneadh ar an chóras reatha.

Costais (0): Ní bheadh ach íoschostais i gceist mar go bhfuil an bunús teicniúil céanna ag an dá COA a chumascfar. Féadfar iad a íoc as buiséad TF Europol. Rinneadh na hinfeistíochtaí cuí agus an obair chomhairliúcháin chuí nuair a cumascadh le déanaí 23 COA ina dhá cheann, mar sin féadfar na torthaí a athúsáid.

4.1.2.2 *Timpeallacht nua phróiseála (B2)*

An slándáil a mhéadú san AE (+++): Bheadh sé ar chumas anailísithe Europol na sonraí uile a mbeadh uathu a nascadh agus a anailísiú. Mar sin bheadh Europol ábalta gach uile ghné sa troid i gcoinne coireacht eagraithe agus sceimhlitheoireachta a tharraingt le chéile. Mar go mbeadh

timpeallacht amháin phróiseála ann bheadh Europol níos ábalta na struchtúir a cheanglaíonn grúpaí coiriúla eagraithe le gréasáin sceimhlitheoireachta a aithint, a anailísiú agus a shainiú, m.sh. i gcás rianta airgeadais.

Tionchar ar chosaint shonraí pearsanta (0): Bheadh, ar a laghad, an méid céanna chosaint sonraí ann agus atá sa bhunlíne.

Tionchar ar chostais (0): Ní bheadh aon chaiteachas breise láithreach ann leis an rogha seo i gcomparáid leis an bhunlíne.

5. ROGHA BEARTAIS TOSAÍOCHTA

Is iad na roghanna beartais tosaíochta ná Rogha 2 (tuilleadh athruithe dlí) ina n-áirítear Rogha A1 agus B2.

- Bheadh na Ballstáit níos feasaí agus níos toilteanaí sonraí a sheoladh de thairbhe dreasachtaí agus neartú na hoibleagáide le faisnéis a sholáthar.
- Mar gheall ar na rialacha nua faoi bhainistiú sonraí bheadh fáil ag anailísithe Europol ar aon fhaisnéis a bhí uathu chun naisc a aithint san fhaisnéis agus treonna agus pátrúin a shainaithint. Bheadh tairgí níos oiriúnaí agus níos úrnua ar fáil ag Europol chun cuidiú leis na Ballstáit. Ní bheidh aon iolstóráil ann.

Maidir leis na costais:

- Leis an tairseach chriticiúil chistithe a shroicheadh bheadh 800 000 EUR in aghaidh na bliana de dhíth ar Europol chun tacaíocht airgeadais a thabhairt d'imscrúduithe na mBallstát. Tiocfar ar na cistí seo le tosaíochtaí nua i mbuiséad Europol.
- Leis an leasú seo a chur i bhfeidhm beidh ina iomlán 6 FTE de dhíth ar fhoireann Europol leis an insreabh faisnéise breise óna Ballstáit a láimhseáil. Ath-imlonnófar triúr oibrí foirne; ní mór triúr eile a fhostú. Shroichfeadh costais iomlán na foirne ansin EUR 1.77 m sa tréimhse idir 2015 agus 2020. Is féidir, áfach, thart faoi dhá dtrian de na costais seo a fhritháireamh ag na sábháiltí a thiocfas ón chumasc le CEPOL.
- Ní bheidh aon chostas láithreach ann de thoradh na rialacha nua um bhainistiú sonraí.